

UKUPWILILIKA



...Kabili pakuba pano nokupepela capamo na imwe. Kabili nomba ilyo fye i Mbila tailatampa, Ninkwata cibusa wandi pano pa cintamba munshita ino iyabushiku, Dokota Lee Vayle, ukufuma ku chalichi ca First Baptisti ku Lima, Ohio, uyo uwali umo katungilila pakulongana kwesu ukwali ku Lima. Nacimwipusha, ilyo twacilaisa nga cakutula ena kuti alanda icebo ku lukuka, limbi ukulola ku kulongana kwa ku Lima, pakashita akalakonkapo nangu tubili. Kabili Ndi uwansansa uku, uwansansa ukulangisha muno bushiku, Dokota Lee Vayle, na umbi uwa mu Baptisti uyo uwakwata Mupashi wa Mushilo. [Pali tepu tapali amashiwi—Kale]

² Ameni. Lesa amipale, na Munyina Vayle, pamo.

³ Ico cili icakosa icisuma kuli kakumba wamu Baptisti, bushe teifyo cili? Ukuba, ifwe tuli abansansa nganshi ukukwata Munyina Vayle pamo naifwe. Kabili icine cine ifibi nafisuka kuli ena ukubwela nokwisa tutandalila panshita yonse iyo enga fwaya. Kabili nomba munshita ino iyabushiku . . .

Mailo mubushiku cikaba ku—*Ku Shikwa* ukwakwa Shikulu Yesu.

⁴ Ulucelo pa mulungu nenshita ya sikisi koloko kulongana kwakutula kwa kasuba. Kabili Nincetekela munyina nabilisha icipandwa cakutwalilila kwa kulongana.

Nomba Natupepe pakashita akanono.

⁵ Shikulu Mwebapalwa, i Cebo Cenu e Cine, kabili tuli abatotela pa muntu uyo uwikata kuli Cena, uwabula umwenso, ilyo balepela Cena ku bantu. Kabili twalaisula Baibele muno Bushiku, nangu ukupilibula amabula kunuma Yaiko, lekeni Mupashi wa Mushilo uwapalwa ese no kwisula i Cebo ica kukutuluka kuli ifwe. Ukupitila muli Yesu Kristu, twaipusha ico. Ameni.

⁶ Buno bushiku ubukalamba ubo tulesefya, ubwa kutanikwa ubwa wapalwa wesu Shikulu, Ndefwaya ukubelenga muno bushiku ukufuma pa milomo Yakwe iyawama Umwine, Ifyebo ifyo Ena alemba mwi Buuku Lyakwe. Muli Mateo Washila, chapitala 4, ifwe . . . kabili na versi 47 na versi 48, tulebelenga ifi:

Kabili nga cakutula imwe muleposhafye aba bwananyina benu epela, cinshi ico imwe mwingacitila bambi? bushe nangu fye abasangushi tabacita ifyo?

Lelo imwe beni eico abapwililika pamo fye ngefyo Taata wenu uyo uwama mu muulu aba uwapwililika.

⁷ Kabili munshita iyabushiku twalandile ukutula tuli nokulanda pesambililo lya *Kupwililika*. Nomba ifwe...

Ico cilemoneka kwati lisambililo ilyeni nganshi ilya kubula pabushiku ubwa kutanikwa ubwakwa Shikulu wesu. Lelo ileelo, limbi, mwacilaumfwa kucilimba, kabili mwacumfwa i mbila ishalekana lekana kabili naku nkombe, ifyo bena bacilangisha bulya ubushiku ubukalamba ubwabipisha lintu Shikulu wesu afwile pa membu ishe sonde. Eico Ninsala, muno bushiku, ukuya munshila imbi iyaibelako, ukufika kuli cena, eico cena calabako icapusanako panono kabili limbi calamilenga imwe ukuba abapya panono. Kabili lekeni Mupashi wa Mushilo uwa palwa asube i Cebo nomba ilyo ifwe twabula ukubomba ukuleta Cena.

⁸ Lesa akabila ukupwililika. Tulefwaya ukubika ico mu mano, ukutila tapali nangu cimo icalubalifye lumo ulwa nshila ukuya mu Kubapo ukwakwa Lesa. Cena cifwile ukuba icapwililika, ukupepa kwesu, ifintu fyonse.

⁹ Nomba, mwibala lya Edeni, Lesa akwete Adamu na Efa mwi bala. Kabili babembwike no kutoba amafunde yakwa Lesa, pa mukubembuka, na mukukana nakila. Kabili lintu ukutoba amafunde kwaisa, ukukana nakila ekutoba amafunde. Kabili amafunde yakwa Lesa, Ena ukuba uwamushilo, bu mushilo ubushafumishiwako nangu cimo, eico takufwile ukuba itolo iyakukana ba uwa mushilo ilyo ilingeminina mu Kubapo Kwakwe. Eico, nga cakutila ulubembu lwaishile pe sonde ukuputila amafunde, nomba ninshi ulubembu lufwile lwabombelwapo pamo ilyo umubembu talati eminine mu Kubapo kwakwa Lesa.

¹⁰ Nomba, nga cakutila takuli amalango, nomba ninshi takuli ukupingula bwino. Lelo amafunde yakabila, nangu, ukupingula kufwaya amafunde. Kabili amafunde, lintu yena yaba—yena yaba yaletwa ukubapo, yena yalangisha ubupingushi ubusuma.

¹¹ Nomba, ku malango, takuli umubili uwapusushiwa. Nomba, amalango tekuti yatupusushe. Amalango yalifye icintu ico catubika ifwe mu cifungo, lelo yena takwata amaka yakulubula. Amafunde palwayako yalangishe ifwe ukutila twali ababembu, kabili yalitusushishe ifwe. Ico eco amalango yafwile ukucita. Yena kuleta ukusekwa, nangu ukulangisha iwe apali icilubo cobe. Eico amafunde, palwayako, tayali nokupususha. Yena yalepelaye imilandu.

¹² Kabili Lesa, ukuba uwa mushilo kabili umulungami, Ena ali nokukwata ukupela imilandu. Ena ali nokupela imilandu umubembu pantu ena alifumine mumipaka iyakusenamina, kabili asangwike umwikashi uwa konaula ama—amafunde. Nomba, afwile ukumubombelapo.

¹³ Kabili ifunde lyonse lyalikhwata ukukanda, pantu, ukukandwa ukwa konaula amafunde yakwa Lesa nimfwa. Kabili yena yali nokulangisha imfwa kumutundu wa muntu

nse. Kabili onse umutundu wa muntu nse waba pe samba ilya kukandwa ukwa aya amafunde.

¹⁴ Nomba, lintu Adamu na Efa babembwike, tapalipo inshila imbi, tapali ubwafwilisho bumbi ubwakutila bena kuti baiminina mu Kubapo kwakwa Lesa nakabili, kano ulu ulubembu lwabombelwapo. Kabili takuli umuntu uwingacita ulubembu ulwa musango onse, temulandu nefyo lwena lungaba ulunono nangu ifyo lwingaba ulukalamba, lulya ulubembu lwa cila umo lufwile lwabombelwapo ilyo umuntu umo uyo uwalucitile ukuti engeminina mu Kubapo ukwakwa Lesa wa Mushilo.

¹⁵ Eico, ekutula, lintu Adamu na Efa babwembwike kabili batobele amafunde, bena bashingemwe ne mfwa. Namafunde yali kwipaiwa, ekutula cena cabikile umutundu wa muntu nse pesamba lyakukandwa kwa mfwa. Nomba nga cakutula ifwe kuti twaimininako pama mineti ayanono, muku tontonkanya kwesu, kabili nokulolesha pali ici icikope icikalamba, kabili ibukisheni ukutula umuntu onse pano nabikwamo muli ici. Umwaume onse no mwanakashi, umwaice, onse nabikwamo muli uku ukukandwa kwa mfwa, ukupitila mukonaula kwa mutwe uwa mutundu wa muntu nse, Adamu; ukupitila mukonaula kwakwe, onse umuntu pali ifwe ali uwamulandu kulubembu.

¹⁶ Kabili ulubembu lufwile lwabombelwapo. Kabili eico, Lesa, mukusanga Kwakwe ukukalamba konse konse kabili nokutemwa Kwakwe ukukalamba... Amalango yapatwile umubembu ukumufumya kuli Kapanga wakwe; nomba ena ali uwafumishiwapo, kabili uwafumishiwapo mukupwililika, takwali inshila iyo ena ali nokubwelelamo kano lulya ulubembu lwabombelwapo. Kabili cena cali nokuba ica anguka nomba ukucetekela mukufumishiwapo ukwa pwililika ukwa mubembu pa mpela, pantu ena mukupwililika, mu muyayaya uwapatukwa ukufumapo mu Kubapo kwakwa Lesa.

¹⁷ Nomba moneni ulu ulubembu. Kabili ifyo Lesa, ukuba umulungami, kabili Ena taali nokucitapo icintu nangu cimo lelo kuba umulangami, pantu Ena entulo iyabupingushi bwalungama bonse, nomba takwali icintu cimbi kuli Ena icakucita lelo kubika ukukandwa pali uku ukonaula kwa mafunde. Kabili ukukandwa kwali ni mfwa, pantu Ena atile, "Ubushiku mukalyako, bulya bwine e bushiku imwe icine cine mukafwa." Nomba, cena cikope icafita ico tukwete pano.

¹⁸ Lelo nomba nga cakutula ifwe twabwelelamo kunuma apanono fye ukuya, kabili nokusanga filya fine fine fye ifyakufumamofye ifyakwa Lesa, Baibele palwalala itweba ukuti "Lesu kutemwa." Lelo cibe, ukuba ukutemwa, Ena afwile aba uwalungama. Eico, ukutemwa takulepilibula fye icintu ico icinga sungwa nokwangala naco. Ukutemwa ekupingula kusuma ukwakwa Lesa.

¹⁹ Nomba, lintu Lesa amwene ukutila abana Bakwe batobele ifunde Lyakwe, kabili ukutila bena bafwile bafwa imfwa, nomba ukutemwa ukwa maka kwaishilemo ukupanga inshila. Pantu, Lesa amwene ukutila aba abana bali nokuba mukupwililika, ukutuntulu ukufuma mu Kubapo Kwakwe. Takwali icintu cimbi icali nokucitwa pantu bena balitobele ifunde Lyakwe, kabili nokukanda ukwe funde Lyakwe cali nimfwa.

²⁰ Kabili nomba ukutemwa kwakwa Lesa kwaile ku bantu Bakwe. Kabili lintu ukutemwa ukwa Maka kwalangishiwa, ukusenamina kwa maka kuleta cilya icakutemwa. Kabili Lesa, ukupitila mukwishibila libela, lintu Atemenwe umutundu Wakwe mubusuma nganshi; cibe, icakukanda, Ena abikilepo icakupyanishapo ica mfwa ukucitika mwi bana Iya Edeni. Ico cali, Ena apyanishishepo icibumbwa icakaele, umwana wa mpaanga umunono uyo uushaishibe ulubembu, kabili yena yaile nge cakupyanishishapo, ukubomba nokufwa mucifulo ca mubembu uwa mulandu. Kabili cena cali mwana wa mpaanga, iyaipaiwe, ukusungila umweo wa bantu Bakwe.

²¹ Ukupita monse mu Cipangano Cakale bena balepela umulopa wa mwana wa mpaanga ne mbushi, impaanga, ing'ombe ne shakashika, imfwa ya kupyanyishapo. Lelo, fyonse fyali mucipao icikalamba icakwa Lesa, kwali ukubwekelamo mu matontonkanyo Yakwe Icintu cimo icituntulu caishile, ico icali. . . Fyena fyali finshingwa ifya Cintu icituntulu ico icali nokwisa. Kabili Icintu icituntulu cali no kwisa, cali Mwana Wakwe uwafyelwe eka. Bonse abana ba mpaanga abafwile califye cena cinshingwa. Kabili icinshingwa lubali lwa cishili bwino ulwa cintu. Kabili bena balelandafye pakwisa kwa Kalbale.

²² Nomba pa cikope icaba ngeci, natwisule ba Baibele besu, kwi Buuku lyaba Hebere, kabili buleni pano ico Paulo, umutumwa mukalamba alelanda, ukwasha ukupatulula ifi fintu kuli ifwe. Mu chapitala 10 iya mwi Buuku yaba Hebere, tubelenga ifi.

²³ Kabili Natemwa i Cebo! I Cebo e Cine. Kabili Ine nalitemwa ukubelenga Cena ku cinso ca lukuta lwandi, pantu Ine nalishiba ukutila mu bupingushi Nkeminina pamo na bena. Kabili Ine mfwile nalubulwilapo. Eico nga cakutila Ine naleta Cena mu Cebo, nomba Ine nshakabe uwamulandu; pantu Cena Cebo, kabili Lesa aba uwashingamwa pa Cebo Cakwe.

²⁴ Tulemona ifingi nganshi ileelo, ifyaba kasabankanya wa mbila nsuma nefyaba ngefyo, ukulakula pafyo baba. Oh, cena cintu icamusebanya! Kabili tulesanga ukutila, mukuya muma chalichi, mwaya mu chalichi kabili mwasanga kakumba umo, ena nakwata imicitile imo iyaibela pali ena, ifyakumfwa fimo ifinono. Nga cakutila iwe taumwene, ulukuta lonse luli nokukwata ulya umupashi. Nga cakutila ena myumfwilefye imo iinono, nangu ukusunkanya umutwe wakwe, nangu cimo

icintu icakupapusha, ukuba, ichalichi conse cili nokukwata cilya. Kabili ifwe natukwata, ileelo, mu ma chalichi yesu aya nomba, ukufika apakutula cena fyakumfwa umfwa notutu utunono kwati ngefyo. Kabili cena calikwata icimfulunganya caba ngefyo! Lelo, oh, mweba munyinane abatemwikwa bandi, nga cakutula kwalibako inshita ifwe tufwile ukuba pa Cebo, yena ni leelo!

²⁵ Mwamona, Ine kuti napata ukwiminina pa bupingushi nokwishiba ukutula Nalikwete utunono utucinja lyonse icintu cimo icabusokololo ubwaibela ubunono, kabili utulufya abantu. Nshilefwaya bena ukukwata umupashi wandi mu micitile yandi, lelo Ndefwaya bena ukukwata u Mupashi wakwa Lesa ukupitila mu Cebo cakwa Lesa, ico icipanga Iicine.

²⁶ Eico mucilecitika icikalamba muno bushiku, Ndefwaya ukubelenga ukufuma mu Cebo cakwa Lesa ica Muyayaya. Nomba twailuka ukutula ifunde lyalipo pa myaka iingi, lelo amafunde yafililwe ukufumyapo ulubembu. Nga fintu Nacilandako kunuma, yena yali ni ng'anda iyacifungo. Cena cali icakufwailisha icikalamba ico icaebele iwe paco wacita, lelo tacakwete icakupususha iwe. Nga cakutula wabika mwituuka umwakusungisha ifintu lelo tamwali Kalubula uwa kukufumyamo, pamo na cena. Cena cibikafye iwe mucifungo, ukulenga iwe ukwishiba ukutula iwe uli mubembu. Lelo nomba moneni mu ba Hebere, chapitala 10, lintu tulebelenga.

Ifunde pakukwata icinshingwa icafintu ifisuma ifili nokwisa, kabili tecilya cine icipasho . . .

²⁷ Ibukisheni, cena cali cinshingwa ica cipasho icili nokwisa. Icinshingwa cilangishafye ukutula kuliko icipasho icilepanga cilya icinshingwa. “Icinshingwa ca fintu ifili nokwisa, kabili tecilya cine icipasho.” Moneni, “ica fintu . . .”

. . . cilya cine icipasho ica fintu, cena teti cibe pamo na yalya amalambo yalya ayapelwe . . . mukutwalilila ukupanga ulya umupya uwaisa mu kupwililika.

²⁸ Nomba, Lesa, mukutendeka, afwaile ukupwililika. Yesu, lintu Ena aishile pe sonde, atile, “Beni abapwililika, kwati fintu Lesa uwa mu Muulu aba uwapwililika.” Kabili ifindu, ukukwata icinshingwa ica fintu ifili nokwisa, lyena talyalengele kapepa ukuba uwapwililika. Bushe mwakwata icikope? Nomba lekeni tubwekeshapo nakabili pakutula imwe mwilufya ico nakabili. Lesa akabila bumushilo ubwapwililika. Takuli nangu umo uwingeminina mu cipasho Cakwe, na kanono akantu kamo akalubembu. Yesu ali ubunte kuli cimo cine, kabili atile, “Beni abapwililika, kwati fintu Lesa mu Muulu aba uwapwililika.”

²⁹ Kabili Baibele yatila ukuti, “Ifunde talyali, pamo namalambo yaliko, ukupanga uwaisa ukuba uwapwililika.” Nomba, ifunde talyali nokulenga icili conse ukuba icapwililika. Lyena lyali cakusontelako. Aya amalambo, ayalepangwa cila

mwaka, yena tayatalile ayapanga kapepa ukuba uwapwililika. Eico ekutila, tapali nangu umo pesamba lye funde, nangu mukusunga kwa malango, nangu pesamba lya finshingwa, engaba uwapwililika.

Pantu (mu versi 2) *pantu nomba yena nga tayalekelwe ukupelwa? . . .*

³⁰ Nga cakutila Ine kuti kwaba icintu cimo ico ningacita pakutila ninga ilenga ine ukuba uwapwililika mu Kubapo kwakwa Lesa, nomba ninshi Kristu tali nokufwila ine. Nga cakutila kuliko icintu cimo ico iwe wingacita, ico icingaba icafikapo mukucita icisuma ku cintu icili conse mu Kubapo kwakwa Lesa, nomba ninshi Kristu afwile apafye. Tekusunga amafunde, tekuba uwakwata amano yamafunde yobe, tebumushilo bobbe palobe, takuli ifintu ifyo mwingaleka ukucita, ukuleka ubufi, ukuleka ukwiba, ukuleka ukupepa fwaka, ukuleka ukuya kubunkolanya, nalyoline waliluba. Tapali icinga cita ico! Ukuilunda ku ma chalichi, intambi, ukusefya, ulubatisho, ukufunda kwa chalichi, ukubelenga kwa fisumino, ukusosa kwa mapepo, fyonse filya fintu tekuti fipendwe icintu nangu cimo. Imwe mwaliluba! Tapali icintu nangu cimo ico wingacita palobe weka, pantu iwe uli mubembu uwaba pesamba lyakusekwa. Kabili tamulipo muli iwe wemwine, nangu isambilisho lyonse, nangu icintu conse ico wingacita nangu ukutontokanyapo, palobe, ico icingalenga iwe ukucita icintu icisuma mu Kubapo kwakwa Lesa, pantu iwe uli mubembu mukubalilapofye.

³¹ Kabili Baibele yalanda, ukutla ifwe bonse twafyalilwe mulubembu, twaimitilwe mumampulu, nokwisa pe sonde tulelanda ubufi. Kabili Lesa tabulilepo umuntu umu ukufwila umunankwe, pantu umu alifye uwamulandu ngo munankwe umbi. Mu Kubapo kwakwa Lesa, umukalamba uwafyelwe muli lino i sonde alifye uwamulandu nga lunshi wamu cikulwa ca bwalwa uwashalikishako uwa muno musumba. Umo teti abe icikonsolwelo icamunankwe.

³² Ekutla, Ena abulile ubumi ubwakaele ubwa nama, ubwa mwana wa mpaanga umunono. Kabili pesamba lya Cipangano Cakale, ifunde lyali lyakutla, lintu umuntu abembuka, ena aleleta impaanga ku cipailo. Tutile nga cakutla atobele limo pamalango, ena aleleta impaanga nokuibika yena pa cipailo, ena alebika amaboko yakwe pa mpaanga kabili imembu shakwe, ukutla ena alilufyanya kabili nokwishiba ukutla ena ali uwamulandu. Umulandu wa . . . kabili ali . . . Amalango yalefwaya ukwipaiwa. Kabili ena aleleta mpaanga mucifulo cakwe. Kabili lintu ena . . . Umukoshi wa nama iinono waputwilwe, kabili yena yatampile ukulapanta amolu yaiko ayanono, nokulila. Nga cakutla walitala aumonapo impaanga baleipaya, wekulila ukwabulanda we! Iinono iilanda ileesha ukulila, kabili nomushipa unono uukalamba nauputulwa. Kabili

lintu yena ilepanta nokututuma, kabili ilyo yena ileyolola, nombamba iletutuma kabili nokulila, no mulopa ulefuma uwingi, wena wasamba amasako yaiko ayanono kabili namaboko yakwa kapepa.

³³ Kabili ilyo kapepa ailuka, pakucita ubucende, pakubepa ubufi, ukwiba, naconse fye ico ena engabelapo uwamulandu, nangu fye ukutontokanya ukwabipa, conse fye ico cena cingaba mucinshingwa icinono, ena aleba uwamulandu, pantu cena ecali icifyalilwa cakwe. Ena aleba umuntu uwa mulandu, nangu limbi ukupitila mukukabila, lelo ukupitila mucifyalilwa ena aleba uwamulandu. Kabili ena aleishiba ukutila iyi impaanga iinono iyakaele yafwilile mucifulo cakwe. Kabili aleumfwa ubulanda pali cilya icintu icinono.

³⁴ Lelo umuntu, lilya line fye impaanga mukulekelesha yalefwa, kabili no mulopa uwa mpaanga pa maboko yakwe, ena aleenda ukufuma mu cikulwa no kukabila kumo kwine ukwa mu mutima wakwe, kulya kuntu akwete pakutendeka. Mulandu nshi? Pantu ubumi ubwali mu mpaanga iinono. . . Umweo waba mu mulopa. Umweo obe waba mu mulopa obe. Twalishiba ico. Kabili umweo uwali mu mulopa wa mpaanga wali mweo wa nama, eekutila lintu tulya utulwisha amalwele utunono twaonawilwe kabili no mweo wafuminemo mu nama, wena tawalebwelelapo pali kuli kapepa, pantu kapepa ali muntu nse.

³⁵ Umulopa wapangile icifimbo leelo wena tawalekonsolola mukupwililika; pantu umuntu ashilile icikulwa, no kukabila kumo kwine ukwa lubembu, nga filya fine akwete mukubalilapo. Lelo, ukucita ici, alelolesha kuntanshi ku nshita lintu kuli nokuba umwana wa Mpaanga uwapwililika ukwisa. Kabili ena alecita ico pa celambo lya kocewa, pantu yena yalifye inshila imo intu ena aishibe palwa ico.

³⁶ Eico, mwamona, lintu umulopa walepongoloka, kabili no bumi bwafuminemo mu nama, bwena tabwalebwelela pa muntu; pantu, umo wali wa nama, na umo wali wa muntu; inama iya kaele, ukufwila umuntu uwa mulandu.

³⁷ Lelo, oh, ubushiku bumo, imyaka amakana yabili ayapitapo, umwana wa Mpaanga uwakwa Lesa afyelwe mu mulimbo uunono mu Betelemu, kabili ena atungulwilwe kwati ni mpaanga ileya kuuleipaya. Imyaka imyanda ikumi na pabula iyapitapo, nga cino cungulo, pa fili koloko Ena afwile. Kabili uushakwata amatoni, ifibala umwana wa Mpaanga wakwa Lesa akobeme pacapindama pa Kalbale kabili afwilile umubembu onse. Nombamba lintu kapepa aisa kuli uyu mwana wa Mpaanga, ne cicetekelo! Kabili uyu mwana wa Mpaanga uwa ibelako. Yena te Mpaanga kwati nga ilya imbi.

³⁸ Takuli umuntu nangu umo uwingesa kuli uyu umwana wa Mpaanga, kano fye Lesa ena amwita mukubalilapo. Mumona amaka yakwa Lesa? Oh, Ine nasubila ici calaingila

mukati mukushika nomba. Lolesheni. Lesa alishibe ukutula Ena alikwete impaanga muli lino isonde. Ena alishibe ukutula Ena alikwete abantu abo ena ali nokupususha, kabili ukutemwa Kwakwe kwaloleshe panshi nokumona abo abali nokupusuka; ekutula, mukwishibila libela, Amwenene libela i Chalichi ukumukumanya Ena kwi shilya, ukwabula itoli nangu ulukanshi. Kabili nga cakutula Lesa akabile i Chalichi ukuba icabula itoni nangu ulukanshi, Ena alikwete cimo icintu icali nokupanga cena muli iyo nshila. Ena takabile cena, ubupingushi Bwakwe ubwawama, ubupingulo Bwakwe cena tacali nokuleka Ena ukwipusha icintu icaba ngefyo nga cakutula takwali inshila iyakupangilamo ico.

³⁹ Kabili umuntu tekuti acite ico ena palwakwe. Ena nikafilwa uwapwililika. Lesa amulekele ukumona ico ukupitila mu mafunde, ukupitila muli bakapingula, kabili nokupitila muli conse Icipangano Cakale. Ena atumine bakasesema, Ena atumine umuntu uwalungama, kabili bena basangile ukutula umuntu onse alifililwe.

⁴⁰ Eico, Lesa, ukupitila mu maka ayakusenamina Kwakwe, atumine, ukufuma mu mpongolo ishikalamba isha Bukata, u Mwana Wakwe uwafyelwe eka, ukubula icifulo cesu.

⁴¹ Ibukisheni, nga cakutula Ena alandile ukutula papa waku Roma asende cena, ena nga tacitile ico iyo. Nga cakutula Ena atile archbishop waku Canterbury ukuti enga cita ico ena, ena nga tacitile ico iyo. Nga cakutula Ena aitile uwamushilo ukucilamo shimapepo uwaupa nangu bishopo wa mwi sonde, ena nga afililwe ukucita ico. Ena nga alifye uwasulilwa ukutali nga fintu Yuda Escarioti ali. Ena nga tacitile ico, pantu ena “afyalilwe mulubembu, apapilwe mu mampulu, nokwisa alelanda ubufi,” kabili alekabila icikonsolwelo palwakwe umwine eka.

⁴² Alleluya! Lelo kwaishile Umo uwafumine ku mpongolo shikalamba isha Bukata; tapali umbi, te umuntu, te muntu umusuma, nangula umu Yuda nangula umwina Fyalo. Ena ali uwacepeshapo pali Lesa uwa Maka yonse, uwaifishile mu mubili wa muntu. Ena aishile, Ena palwakwe, ukwisa pela u Mulopa Wakwe Uwine, pantu Ena taishile ukupitila mukukabila kwa mubili. Ukukabila kwa mubili takwakwete nangu cimo icakucita neco. Lelo Ena aishile shinguluka nacingu, kabili nokwisa leta ukufuma mu kantu aka Mulopa ako Ena apangile, pa Lwakwe, uwakaele Umo.

⁴³ Nomba ipusukilo lyandi, ilyobe, muno bushiku, talile shintilila pafisuma ifyamicitile fyobe we mwine. Cena cileshintilila pa cintu icituntulu ica maka yakusenamina icakwa Lesa wa Maka yonse Uyo uwasala ifwe muli Ena. Icine cine. Ine nshali uwapwililika, nangula iwe tawali uwapwililika. Kabili tatulanda ukutula twaliba abapwililika. Lelo twalikwata

ici icakutalalika, icakuti, icicetekelo cesu caba mwi Lambo ilyapwililika ilyo kale kale lyaba ilya pokelelwa!

⁴⁴ Nomba twaishiba shani ukutila ifwe twalikwata Ico? Lintu kapepa abika amaboko yakwe, mukucetekela, pa mubili wakwa Shikulu Yesu, kabili aumfwa ubonaushi ubwa lubembu, kabili amate yakupumya ayafwishilwe pa cinsu Cakwe Icine, aumfwa ukuteta ukwa mu Gethsemane, ifyakumfwa ububi ifyapa Kalbale, kabili aishiba ukutila ena ali no mulandu, kabili atumbula ne membu shakwe mukulungika, “O mweba Palwa Shikulu, Ine ndi nomulandu. Kabili Nshikwete inshila imbi lelo Nimwe ukwafwa ine. Kabili ukupitila mukucetekela... Iwe uleita Mupashi wa Mushilo, alisa nokwita ine ukwisa. Kabili Ine nomba, ukupitila mukucetekela, nimpokelela Yesu ngo Mupusushi wandi.” Ulya u Mweo wafumine muli Ena pa Kalbale, uwitwa Mupashi wa Mushilo, uyo uwafishilwe mukantu akanono aka Mulopa uwakwa Shikulu Yesu, wabwelela pali kapepa nokumubatisha ena na Mupashi wa Mushilo, mu Mubili wakwa Kristu.

⁴⁵ Kabili Ena alipingula iwe. Iwe taufwile ukusakamana pabupingushi. Kabili Ine ilyo napilibuka nokulolesha pali cilya icinono ica kwimininako kristu, Ine nailuka ukutila ukuti ici...cileimininako umubili Wakwe. Kabili nomba ulya umubili walipingulwa. Lesa tetifye mukulungamikwa acipingule cena nakabili, pantu cena calipingulwa akale. Lesa apumine ubupingushi bwa mfwa pali ulya umubili. Kabili apofye Ine kuti nasanga inshila iya kufisaminamo muli ulya umubili, Ubupingushi bwakwe bwapuminwe pali ine napali iwe. Ifwe tuli abantungwa! Abena Roma 8:1, yatila, “Takuli ukutila nomba kuli ukusekwa kuli abo abali muli Kristu Yesu, abo abashendela umwabela umubili, lelo umwabela u Mupashi.” Mwaumfwa imwe, takuli ukusekwa! Ine nshilesakamana ico ica laisa nangu ico icalaya, imwe mwafiswa pesamba lya Mulopa.

⁴⁶ Nakabili, nimu musango nshi untu ifwe twilamo muli ulya u Mubili? Abena Korinto Wakubalilapo 12:13, yatila ukuti, “Ukupitila mu Mupashi umo!” Nimu musango nshi untu Mupashi wishilamo? Kupitila mwi Lambo. Nipesa apo u Mupashi waikela? Nimukati ka Mulopa. Mulandu nshi ico inama tayabwelele? Yena yali ni nama. Umupashi wa nama teti wise mu mupashi wa muntu kabili nokucita icili conse muli wena, pantu umupashi wa muntu waliba uwasumbukapo ukucila ubumi bwa nama. Lelo te mupashi wa muntu umbi uyo uwinga bwela. Nga cakutila iwe walikwata umupashi wacikolwe, wena kupepa imipashi. Lelo Lesa umwine pa Lwakwe aishile, ukutila u Mupashi Wakwe Uwine, uyo uwaba umupashi uwacilapo uwabapo, kuti wabwela mumibele ya lubatisho lwa Mupashi wa Mushilo, kuli kapepa, ukupitila mu Mulopa wakwa Kristu, nokumwingisha ena mu Mubili. Ena ali uwacingililwa!

47 Moneni. Umulopa wa ng'ombe ishilume ne mbushi tawabombele, ukumona wena wali uwanaka. Nomba natutampe ukubelenga, palwa versi 12. Nacilungama. Umulopa wa ng'ombe ishilume ne mbushi tawabombele, nangula wena ukukonsolola. Moneni.

Lelo uyu umuntu, (Muntu Nshi? Ni bishopo? Iyo. Ni papa? Iyo). . .

Lelo uyu muntu, panuma ena . . . apelefye ilambo limo pa lubembu umuyayaya, aikala ku kuboko ukwa kulyo ukwakwa Lesa;

Ukufuma pali ilya nshita enekela mpaka abalwani bakwe bakabe icakunyantapo amakasa yakwe.

48 Bushe muli abaipekanya? Bushe muli abaipekanya pa Cebo? Kutikeni kuli Ici, nomba Ndefwaya imwe muleke Ici cingile mukati. Mukutike mukukonka bwino bwino.

Pantu kwi lambi limo (tepa mwaka no mwaka, tekupuputulwa ukukonka pakubiye, tekulongana panuma yakulongana, te bushiku panuma yabushiku). . .

Lelo ukupitila mwi lambi limo ena ali p-w-i-l-i-k-i-s-h-a (bena balikwata? Ena alikwata!). . .

. . . ena ukupitila ukupitila mukupela kumo ena ali pwilikisha (ico eca kukabila cakwa Lesa) kuli bena abo ababa abashishiwa.

49 Mwaumfwa imwe. Ubo bwine ebwasuko ku mfwa yakwa Kristu. Ubo bwine ebwasuko ku Kalbale. Ena mukupwililika, pamo no Mulopa Wakwe Wine, ashitile imembu shesu, kabili atulengele ukuba abapwililika umuyayaya, abacetekela Bakwe. Ekutilla, muli Kristu twaiminina ababula icibala, abapwililika Mukubapo ukwakwa Lesa uwa Maka yonse. Ifwe tuli bantu abapusulwa, pamo namasambilisho yesu; ifwe bonse twalifundwa ukutilla ifwe tufwile twaima nokuya pa ncende imo, ifwe tufwile twacitapo icintu cimo. Iyo, munyina wandi, cena tapaba nangu cimo ico iwe wacita; cena nicilya icintu ico Lesa acitile kuli iwe! Ifwe tuli nomba, nga cakuti ifwe twali lungamikwa ukupitilla mukucetekela, ifwe twaliba abapwililika umuyayaya mu Kubapo ukwakwa Lesa.

50 Nomba Yesu atile, "Beni abapwililika." Nomba, kwena kwacitlwe kupwililika kwa muyayaya. Lesa, ukupitilla mumfwa yakwa Kristu, imyaka imyanda ikumi na pabula iyapitapo, ileelo, uwa cetekela acitilwe uwa pwililika, ukutilla Ena amwenene libela ilyo umufula we sonde taulabako, umuyayaya. Kabili bonse abo Ena aita, Alibalungamika. "Bonse abo Ena aishibile libela, Alibeta; bonse abo abo Ena aita, Alibalungamika; bonse abo Ena alungamika, Ena

kale alibakatamika.” Ena alilenga abacetekela Bakwe ukuba abapwililika!

51 Nomba moneni, lekeni tubwelelemo nomba kuli versi 1.

... amafunde yakwete icinshingwa ica fintu ifisuma ifili nokwisa, kabili tecilya cine icipasho ica filya ifintu, teti fyena fibe nayalya amalambo ayo aya lepelwa umwaka no mwaka ukutwalilila ukulenga uwaisa ukuya ku kupwililika.

52 Moneni “ukupwililika,” eco tulelandapo.

Pantu nomba fyena tafya lekelwe ukupelwa? pantu icakutula kapepa ilyo awamishiwa tafwile ukukwata kampingu uwa kubembuka.

53 Cinshi ico wapilibula? Ishiwi *kampingu* palya, kabili icalungama, ubupilibulo, buli “ukukabila.” Kabili umuntu nga aisa, kapepa, mukulungama, ku cinso cakwa Kristu, ukumona ukucula Kwakwe, kabili nokuipela ena pa lwalwe kuli Kristu, kabili atila, “O Shikulu Lesa, tatuli icintu nangu cimo ico icinga nkonsolola, lelo Ine ndi uwapwililika ukushintilila pali Iwe,” nomba ulya Mupashi wa Mushilo aisa ingila mu mutima wa muntu, lilya line ilipusho ilya lubembu lyena lyapwa umuyayaya, pantu ukukabila konse ukwa lubembu nakusendwa ukufuma pali iwe. Pantu nga cakutula amafunde yalicitile ico, yalya amalambo yena nga tayapwile; lelo pakuba icakutula yena tayali nokucita ico, Kristu ali nokufwa, ukutupanga ifwe abapwililika.

54 Bacibusa, kuli ifintu ifingi ifyo twingalanda muno bushiku, palwa kupwililika. Ifwe lyonse tulesha ukufumya amenso ya muntu umbi, ukupanga pa lwesu bumushilo bunono ubwacilapo pafyo bena bali–bali. Lelo nga cakutula ifwe twaloleshefye pacikope, cena kusenaminafye ukwakwa Lesa epela ukutula ifwe tube ifyo twaba.

55 Kuno inshita iyapitapo, mu Ohio, Nasambilile isambililo mu nshila iyakosa. Nalekwatea ukulongana mulya mu Ohio, kabili Naleikala kunse mu calo. Pa mulandu wa bantu abengi, Nshaleikala mu musumba.

56 Ifwe twalelila pa ncende iinono iya Dunkard. Kabili nabalepela ifyakulya bali abanono abasuma, kabili abalefwala bwino, kabili ababusaka ngefyo bena balingile ukuba, ababa abamibele ya bunamayo nganshi, baletulolela ifwe. Cena cali litoni ilinono ilyamu muulu, ukulila mu ncende iyaba ngailya. Umwakwipikila mwabo mwali umwabusaka kabili umwasungwa bwino. Kabili pa Mulungu baleisala kabili bena nokuya kuma chalichi yabo. Naumfwile insala apanono, Naleywa mukushimikila pa Mulungu mucungulo.

57 Kabili Nailefye kulya ku ncende iinono iyabafye... iyaishibikwa incende yakulilamo iya bena America. Kabili ilyo Naingile pa mwinshi, cinshi ico Naumfwile lelo mashini

yakuposamo indala ilebomba! Kabili palya paiminine umuntu uwamushinku wandi, uyo limbi ali muntu waupa, nokuboko kwakwe nakumbatila umwanakashi, baleteya mashini yakuposamo indalama. Ifunde lyesu line, ubucingo ubwa bulungami bwesu, ubwa fipe fyesu, aiminine palya aleonaula icintu ico ena afwile ukulacingilila. Pantu, calileshiwa ukuteya injuka mu Ohio, ukuteya muli mashini yakuposamo indalama.

⁵⁸ Kabili Napilibwike no kulolesha kunuma ya cikulwa, kwali ibumba ilya baice abalumendo, kabili ne nyimbo isha kale isha kusunkana ukuya ku ntanshi na kunuma shilelila muli cimashini cakuposamo indalama, shilelila. Na mayo umwaice kwati uwa myaka ikumi na cine konse konse iya kufyalwa, uwafwele ifyabusaka ifyaikata kumafupa ngo mwanakashi. Lelo ena aiminine palya ne ndeleshi yakwe iyaselela pe samba ku ntanshi, kabili na umo pali balya abalumendo namaboko yakwe pamukashana, bali umo tabafwile ukuba. Kabili bena balepeepa nokunwa.

Kabili Natontonkenye, “O mwe Lesa, musango nshi Imwe mwinga suminishishamo ici?”

⁵⁹ Kabili Naloleshe ku kulyo kwandi, lintu Naumfwile umuntu umo alepunda kubukali ubukalamba. Kabili palya paikele umwanakashi uwa mushinku uukalamba limbi uwamyaka amakumi mutanda nangu imyaka iyakufyalwa amakumi cine lubali. Ena afwele filya ifyakufwala ifyakale ifyabipa, ifyafikile ukucila pamakufi yakwe, kabili nomubili wakwe uwakula uwa nkanshi walifye uwanaka uwaselela ku mubili nga fintu wena wingaba. Kabili ena akwete ici pano kalaso wapamilomo, necikalamba icintu cakashikilila kulubali lwacinso, uwapenta; nokusapato utunono nabafwala, utwa masanda, nabapenta; namala yakumakasa icakashikilila, namala yakuminwe, ayapentwa ifyakashikilila. Kabili nomushishi wakwe waliputwilwe uwipi icine cine, kabili uwapombana, kabili uwabikwamo ifya makumbi makumbi. Kabili Naloleshe pali ena.

⁶⁰ Kabili kulubali lumbi ulwe tebulo kwaikele abaume babili, nabakolwa. Umo pali bena (yena yali ni munshita yalusuba) necikoti icikalamba icabashilika nafwala, na tamba tamba napombwa ukushinguluka umukoshi wakwe, kabili ne myefu iitali yali pacinso cakwe conse, alebyola kabili nokutwalililapo. Kabili balombele ubwelelo abene, no mwaume acitile ico, ulufuma pali ena, kabili batampile ukwenda balefuma *ngefi*, ukuya ku muputule wakutushamo.

⁶¹ Naiminine palya. Kabili Natile, “mwe Lesa, mwilandu nshi Imwe tamwingonawila icintu conse? Mulandu nshi Imwe tamwinga cingisisha pesamba lya mushili?” Natile, “Bushe Sarah wandi umunono na Rebekah bushe balingile uku kulila pesamba lya fintu ifyaba ngefi?” Natile, “Musango nshi Imwe,

mwe Lesa, muli bu mushilo Bwenu ubukalamba, mwingaba abakulolesha pa cintu icaba kwati ngeci, kabili ukukana tuma icinkukuma nokucingisha cena panshi?”

⁶² Kabili ilyo Ine naiminine palya, ndesusha umwanakashi, nge fintu Nalecita, Nabwelelemo kunuma ya mwinshi. Naumfwile u Mupashi wakwa Lesa waisa pali ine, kabili Nanyantile kunuma ya mwinshi.

⁶³ Kabili Namwene icintu icinono icaleshinguluka. Kabili lintu cali ifyo, mucu monwa, cena cali li sonde lilepilibuka kabili nokupilibuka. Kabili lintu Namwene, ukushinguluka isonde pali ubushishi ubwakashika, ubwashingtonulwike isonde. Kabili ilyo Nafikile pe sonde, Namwene ine palwandi umulumendo fye umunono, ndecita ifintu ifyo Nshifwile ukucita; limbi tekuba kwati nga *filya*, lelo cena cali lubembu. Kabili inshita yonse ilyo Ine nacistile icili conse, Nalemona cilya icinshingwa icikalamba icafita cileya ukulola mu Muulu. Ico, Lesa ali nokwipaya ine pali ilya nshita.

⁶⁴ Kabili Namwene icaiminine pakati kandi na Lesa, paiminine lilya Ilambo ilya pwililika. Ine namwene Ena naiminina palya ne myunga pa mutwe Wakwe, kabili nefikola fyali pa cinso Cakwe. Kabili inshita yonse ilyo imembu shandi shatampa ukuya ukulola kuli Lesa, Ena aleima nokushikata, kwati cisolelo ca kuli motoka. Ena alencingilila ine ukufuma ku mfwa. Kabili ne nshita yonse ilyo Ine nalecita icili conse icalubana, Lesa nga alinjipeye ine. Icine cine, bu mushilo Bwakwe bulakabila ico. Amafunde Yakwe yalakabila ico. Kabili inshita yonse iyo Ine ningacita icili conse, nangu iwe wacita icili conse, u Mulopa wakwa Yesu Kristu ubomba kwati cisolelo. Kabili Namwene bulya ubushishi ubwakashika bwapilibwile cilya, nombamba, icakutila u Mulopa ucili nawikatilila isonde.

⁶⁵ Kabili ilyo Niminine, Naloleshe, Napalamine mupepi na Ena ilyo namumwene Ena. Kabili naumfwile Ena aletila, “Taata, Mubeleleko uluse, ena tashibe ico alecita.” Kabili Naloleshe panshi, kabili pabikilwe ibuuku. Kabili palya pali na Malaika uwalelemba, kabili ku lubali Lwakwe. Kabili inshita Nalebembuka, lwena lwalelemba mwibuuku. Kabili ne shina lyandi lyalebikwamo muli lyena. Kabili Nailwike ukutila ubushiku bumo, Ine...bulya ubushishi bwa Mulopa bukasumbulwa kabili Ine nkeminina mu Kubapo ukwakwa Lesa, pamo no bwikashi ubwa lubembu. Lelo, Namwene, ku luse Lwakwe Ena afumishapo ubupingushi bwandi.

⁶⁶ Naile kuli Ena, mukuicefya. Nafukeme pa makufi yandi, kabili Natile, “O mwe Yesu, We Mwana wakwa Lesa, Ine nshili uwafikapo ukwisa mu Kubapo Kwenu. Lelo bushe mukwai kuti Mwanjelelako pafyo Nacita?”

⁶⁷ Aikete kulubali Lwakwe nokuboko Kwakwe, ubulile ibuuku lyakale nokulembamo “waelelwa” pali lyena, aliiposele kunuma

Yakwe, kabili imembu shandi shalipwile! Nomba Ena andoleshe ine, uwantonta pa cinso, Ens atile, “Nomba Ninkubelela uluse, lelo iwe ulefwaya ukumususha ena.” Nomba Namona ifyo cena cilepilibula.

⁶⁸ Ilyo Nafumine mu cimonwa, Naendele ukuya kuli ena. Natile, “Uli shani?”

⁶⁹ Ena alendwa. Aoleshe pali ine, nokutila, “Oh, uli shani.”

Natile, “Bushe kuti Naikalako?”

Atile, “Ninkwata untu ndi nao pamo.”

⁷⁰ Natile, “Nshilepilibula muli iyo nshila, namayo. Ndefwayafye ukulanda kuli iwe, pakashita akanono.”

Atile, “Ikaleniko.”

⁷¹ Kabili Natile, “Namayo, ama mineti ayanono ayapitapo, naciminina kulya kunuma ya ciibi cilya. . .” Natampile ukumweba. Kabili ilyo Natendeke ukuloleksha, ifilamba fyatendeke ukukonkoloka ku masaya yakwe. Kabili ena anondolwele. . . Natile, “Namayo, iwe taupilibula ukucita ifi fintu. Yesu alifwile, kabili nobupingushi bwakwa Lesa bwafuminepo no Mulopa Wakwe. Iwe taupilibula ukucita ico.”

⁷² Kabili ena atile, “Iyo, mukwai.” Atile, “Bataata bandi baali bamu chalichi. Ine nakushiwe mu ng’anda ya bena Kristu. Umulume wandi na Ine twali ba membala abakwete insambu, kabili twaikele ubwikashi bwa bwina Kristu.” Ena atampile ukunjeba, panuma yamfwa yakwe. . . Ena akwete abakashana bakwe babili abaice, kabili ena apondweke aya. Kabili efyo abakashana bamushile, kabili aposele ubwikashi bwakwe. Kabili atontonkenye ukutila takwali isubilo nakabili pali ena.

⁷³ Lelo Natile, “Lesu, abe uwaluse! ‘Bonse abo Ena aishibele libela, Ena aali beta.”

Atile, “Bushe niwe Reverend Branham, ukufuma kulya kwaisamba?”

Natile, “Nine wine”.

⁷⁴ Atile, “Ine ndi ne nsoni pali ine nemwine, ukwikala pano kwati ngefi.” Atile, “Bushe uletontonkanya kuti kwabako inshita kuli ine?”

⁷⁵ Natile, “Yesu alisula amaboko Yakwe, alelelela iwe ukwisa, namayo.” kabili abantu batampile ukwisa. Kabili Natile, “Bushe kuti waenda ukwisa pano pa ncende ukuba pamo na ine?”

Atile, “Nalacita ico, mukwai.”

⁷⁶ Ine namwikete pakuboko. Natile, “Iwe uli mupepi ukufika pa myaka yaba mayo wandi. Bushe kuti mwafukama pano pamo naine, pano panshi?” Kabili palya panshi, twaiswile incende cilya icungulo, ku miyongi munshila imbi iyaibelafye. Kabili Lesa apuswishe ulya umwanakashi, mukusenamina Kwakwe.

Afwele pa lwakwe nokwisa ku kulongana, kabili, ukukonkafye nefyo Ine naishiba, aleikala ubwikashi bwa bwina Kristu na muno nshita yabushiku.

⁷⁷ Cintu nshi ico? Oh, Lesa afwaya ukupwililika! Ena afwaya ukulapila kobe. Ena afwaya ukunakila kobe kuli Ena. Lelo Ena alelolesha muno bushiku. Temulandu nefyo iwe wabembuka, ifyo kwingaba ukunono nangu ukukalamba, iwe ucili umubembu, kabili teti wise munshila iili yonse lelo kanofye ukupitila muli Yesu Kristu, Lesa li Lambo ilikalamba. Kabili muli Ena iwe wali pwililika umuyayaya. Tonkonkanya pali ico! Tapali icintu nangu cimo ico wingacita. Temabula ayapya ayo winga pilibula. Cena te mweo upya untu iwe watampa. Cena kusokolola icilubo cobe, kabili nokusenamina kwakwa Lesa ukwisa kuli iwe. Ico ecileta iwe ku kupwililika, kabili nomba iwe ulaba uwapwililika muli Yesu Kristu.

⁷⁸ Nincetekela, munshita ya bushiku, cibusa wandi, ilyo tuli pano pali ino nshita iyakakata nomba, lintu ubusalo bufwile bwapangwa panuma yakumfwa ili ilyashi. Iwe limbi tawatala aumfwa lyena kunuma. Lelo iwe teti ufumine pali umo pali ilya iminshi umuntu umo wine ifyo wacisa, iwe ufwile wafuma uwa waminako nangu uwabipilako.

⁷⁹ Kabili ilyo ifwe twakonteka imitwe yesu pakashita akanono fye, Ndefwaya iwe utontokanyepo mumaka palwa ico. Nga palwa mweo obe muno nshita yabushiku? Yesu Kristu afwilile pali iwe.

⁸⁰ Iwe watila, “Munyina Branham, lintu Ine ningaleka ukupepa fwaka, lintu Ine ningaleka ukukolwa, lintu Ine ningalungamika ici cintu icilipo, Ndi nokucita ico.” Oh, cena tacakatale acicitwa bwino. Iwe tawakatale aucita ico. Cinshi ico iwe tawingeshila munshila ubelelemo? Kabili, ukupitila mukucetekela, kabiye kuli kalya Akamana, uko ifilaso Fyobe fyalaya pokelela, nomba ukutemwa ukwa kulubula kwalaba e bwiminishi bobo, kabili cili nokuba ifyo fine mpaka ukafwe.

⁸¹ Mulandu nshi wingabulila icakupyanishapo? Mulandu nshi wingafwaila ukwingilamo ne chalichi cenu? Mulandu nshi wingafwaila ukwisamo pantu iwe waleka ukunwa ubwalwa nangu ukubepa ubufi? Isa mu nshila yakupwililika! “Pantu, kwi Lambo limo, Ena alenga bonse ukupwililika abo abashilishiwa.”

“Kuti Ine naba shani uwashishiwa?”

⁸² Ufwile ukusokolola imembu shobe mu Kubapo ukwa Mulopa wakwa Yesu; kabili no Mweo ulya uufuma muli ulya Mulopa, ubwelela kuli kapepa, kabili nokumushisha ena ukufuma ku kukabila ku fintu fya mwi sonde. Pantu, ukupitila muli lilya Ilambo ilikalamba ilyalinga, Ena alitushisha bonse; ku Mupashi umo, ifwe bonse twalibatishiwa mu Mubili umo. “Nomba takuli ukusekwa kuli abo abali muli Kristu Yesu, kuli abo abenda umushabela umubili, lelo ku Mupashi.” Nga cakutila

iwe ulefwaya ukwenda ukupitila mu Mupashi, kabili ucili nolunkumbwa ulwa mubili, Ilambo lyena ninshi talyabikwa pali iwe mukupwililika. Lelo kapepa lintu ena awamishiwa, takwata nakabili ukukabila kwa lubembu.

⁸³ Ico cali ni Kalbale. Cena te ncende yakushitishishapo amaluba, nangu incende iinono iyakucitilapo *ici* na *cilya*. Yena yali ni ncende apo Lesa no muntu bawikishenye capamo. Yena yali ni ncende apo umutende nokucingililwa ukwapwililika fyaletelwe ku muntu nse. Bushe kuti waya pamo na ine, munshita ino iyabushiku we cibusa wandi umubembu, ukuya ku Kalbale, kabili ukupitila mucicetekelo ubike uyu u Mulopa ku mweo obe wine, kabili nokuleka Mupashi wa Mushilo ese nokushisha iwe ukupitila mwi Lambi Lyakwe ilikalamba?

⁸⁴ Ilyo tatulapepa, bushe kuti mwaimyako ukuboko kobe kuli Lesa, nokutila, “Beni abaluse kuli ine, mwe Lesa. Ine nomba nasokolola shonse imembu shandi, pali uno Cisano Musuma mu bushiku. Kabili Ine ndetotela pakucula ukukalamba uko Kristu achitile pali ine. Ine nomba nacimba ku bufwayo bwandi bonse, nefyakwimininapo fyandi ne fintu fyonse, ukutila nkokefye Imwe ukufuma bunu ubushiku, ukuya kuntanshi.” Bushe kuti waimyako ukuboko kobe, nokutila, “Njibukisheni ine, Munyina Branham, mwipepo. Ubo ebusalo bwa mutima wandi”? Bushe kuliko umo, bunu bushiku bukalamba, ilyo tulelolelakofye pakashita akanono? Kuno lubali ku kuboko ukwa kulyo kwandi, icine cine kuliko umo ukulola kulya. Bushe iwe naukwata insoni pa membu shobe? Bushe iwe naukwata insoni paco wacita?

⁸⁵ Isonde muno nshita ya bushiku lilelolesha pantukushi. Kabili lyena lyalikwata intukushi, mukulandafye ku maka.

⁸⁶ Ubushiku bumo kulya mu Switzerland, lintu Swiss Switzerland ali mubwafya, akabungwe akanono aka Swiss kalonganike mulya mu mpanga, ukucingilila—ukucingilila ifya makwebo yabo. Abashilika abakalamba aba leisa bali abakulishapo kuli bena; bonse bali abakanshiwa, bakwete ifimafuumo ifikalamba nenkwela. Abaku Swiss bafililwe ukucitapo icintu nangu cimo lelo bacimbilefye. Bena batungililwefye ukulungatana no lupili. Nomba kwali intukushi iyafumine. Umuntu umo ali nokufwa. Kabili nga cakutila bena balushile ubulwi. . .

⁸⁷ Tabakwete nangu fimo lelo bakwetefye ifikwakwa ifyakale, na mabwe, ne fimuti, ifyakulwa nafyo. Ilyo, abankondo abaleisa bamoneke kwati cibumba ica njelwa. Nga cakutila bena basendelwe, abatemwikwa abakashi babo abanono nga babasendele ku maka, nabakashana babo abanono nabo nga ba basendele ku maka, abana babo nga bali bepeye, imitwe yabo nga yalishonawilwe, amayanda yabo nayo nga yalyonawilwe, kabili ifintu fyonse nga fyalilubile.

⁸⁸ Nomba kwali umuntu, uo ishina lyakwe nalaba bwangu bwangu, uwe shina lya Arnold von Winkelried. Ena afumine, nokutila, “we Muntu wa Switzerland, buno ubushiku Napela umweo wandi pali Switzerland.” Atile, “Kulya kwi shilya lya lupili kuli ing’anda iyabuuta inono. Ine ninkwata umukashi na bana batatu abalelelela ine. Lelo bena tabakatale abamona nakabili, pantu, buno bushiku Napela umweo wandi pali Switzerland.”

Bena batile, “Cinshi ico walacita iwe, Arnold von Winkelried?”

⁸⁹ Atile, “Nkonkeni, kabili citeni icisuma ico mwinga cita naco.”

⁹⁰ Kabili aloleshe paba bulwi mpaka asangile amafuumo ayatikama. Elo aimishe amaboko yakwe mu lwelele nokubutukila kulya kucibumba ica njelwa, ica mafumo, kabili nokubilikisha aletila, “Pangeni inshila ya buntungwa! Pangeni inshila ya buntungwa!” Umwanda umo uwa mafumo wapilibwike nokupilibukila ukulanda kwakwe; ena afungulwile amaboko yakwe noku bakolonganika bena pacifuba cakwe cine, ifyo ifyamuposele panshi, kabili afwilile pa mpela yamafuumo yalya. Bonse balya ba Swiss bamukonkele ena ne nkonto ne fimuti. kulya ukulangisha ukukalamba ukwa buntukushi kwapwishishishe balya ababulwi, mpaka ba Swiss babomine bena ukubafumya mu calo. Kabili bena tabatala abakwatapo ubulwi ukufuma bulya ubushiku, ukufuma palya.

⁹¹ Nga waiminina mu Switzerland nokulumbula ishina ilyakwa Arnold von Winkelried, iwe kuti wamona ifilamba filepona pamasaya yabo. Mulandu nshi? Ena apuswishe icalo cabo. Cilya eco ilya intukushi ikalamba yacitile. Inshita shimo shimo cilapashanishiwa pamo, kabili tacatala acicilapo muli lino isonde.

⁹² Lelo, oh, cena cali icintu icinono ico icacitike ubushiku bumo! Lintu umutundu wakwa Adamu waiminine, ingulu shaishilemo ukufuma kulubali lonse, ba kasesema balifililwe, amafunde yalifililwe, ilambo lya ng’ombe ishilume ne mpaanga fyalifililwe, imibele ya muntu yalifililwe, ne fintu fyonse. Kabili umutundu uunono wakwa Adamu waliminine, uwa cimfiwa; ifiwa fyalifulilepo ukucila, umutunganya, amalwele, utushishi tuleta amalwele. Kwaliko Umo uwafumine mu Muulu, nokutila, “Buno bushiku Ine ndefwila pa mutundu wakwa Adamu.” Ena aishile pe sonde kabili apangilwe umubili. Ena alolekeshe ukulungatana na panshi pakati apali amafuumo apali apafitisha. Filya fine ifyafitisha ifyakutinya ifya muntu fyali nimfwa, kabili Ena abulile ukuibika pacifuba Cakwe. Kabili pa Kalbale Ena epo apele lambo, kabili abilikishe, “Pangeni inshila ya Buntungwa!”

93 Kabili Ena abilikishe ku Chalichi Cakwe, “Buleni Ici ico Ine inshilile imwe, u Mulopa Wandu no Mupashi Wandu, kabili mulwe na conse ico imwe mukwete.” Ifwe kuti twacimfya muno nshita ya bushiku, ukupitila muli Ico, cibusa. Iwe kuti watamfya ciwa ukufuma pali iwe. Umulwani onse umukalamba uuli mu mweo obe, ena kuti atamfiwa ukufuma ukupitila mu Mulopa na mu Mupashi uwakwa Kristu, kabili iwe kuti waiminina uwapwililika mu Kubapo Kwakwe. Kristu ewapangile inshila!

94 Bushe iwe kuti wacita mukwimyako ukuboko obe kuli Ena, nokutla, “Njeleleniko ine?” Lesa akupale iwe, munyina. Umuntu umbi, “Beni abaluse kuli ine, Lesa, Ine nombamba nasokolola ifilubo fyandi?”

95 Bushe kuliko bamo aba cifulefule ba membala abaya ku chalichi cila bushiku, kabili limbi ukwasha ukuba aba bukapapa ngefyo bengaba, lelo cibe iwe nawishiba ukutla kulya ukufulwa na bucaibela, nokuitemwa, imisango ilakutotobesha ukupaka iwe taukwata nokucimfya? Bushe kuti wafwaya ukuwamishiwa no Mulopa, muno bushiku, ukufuma kuli fyonse ifyo? “Pantu kapapa ilyo ena awamishiwa takwata nakabili kampingu. . .” Bushe kuti wafwaya ukwimyako ukuboko kobe, iwe membala wamu chalichi? Lesa akupale iwe, namayo. Imyeni amaboko yenu nokutla, “Munyina Branham, njibukishako ine mwipepo lyobe.” Lesa akupale, na mayo. Ico nacilungama. Ico cituntulu. . . Ico cituntulu icakucita. Lesa amipale imwe kunuma uko, mukwai.

96 Umuntu umo umbi, atila, “Beni abaluse kuli ine, mwe Lesa. Ninjisia Ndalanda ubwina Kristu, lelo Ine nshikala ifyo. Ninjishiba ukutla Nshicita. Kabili mu mutima wandu, Ine icine cine nshili uwalungama pamo na Imwe. Ndefwaya ukuba umo pabasalwa bakwa Lesa. Ine ndecumfwa mu mutima wandu ukutla efyo Naba, lelo Ine nshabika conse icafina ico icicita ukunungulusha mukwanguka. Kabili Ndefwaya ukufibika lubali muno bushiku. Kabili, mukusenamina kwakwa Lesa, Nalacita ico. Mpepelako ine.” Bushe kuti waimyako ukuboko kobe? Lesa akupale, imwe na mayo. Umuntu umbi. Panono fye, ifwe tulelelela.

97 Ilyo tulelelela mu mutalalila, umuntu onse nombamba nemitwe yenu iyakontama mwipepo, nombamba panono panono ing’wing’winsheni ici nombamba:

Kuli Akafukauka akeswilemo no Mulopa,
Akalefumya mu mishipa shipa yakwa
Imanuele,
Kabili nababembu balewilamo pesamba lya
kena. . .
Balelufya fyonse ifyatonaikwa ifya kusekwa.
Lufyeni. . .

⁹⁸ Bushe teti mutontonkanye pali ico nomba linefye? Wiesha ukusamba cena ukufumyapo. Kristu ena ali pakuboko kobe.

⁹⁹ Pilato aeseshe acesha ico muno lucelo, ukufika pali sikisi koloko; lelo amaboko yakwe yacilifye aya mulopa, umulopa wasekwa. Imwe namwishiba icacitike kuli ena. Ena aile ku Switzerland, imyaka iingi kuntanshi, apenene, kabili aiposele umwine eka mumfwa mucishiba ca menshi. Muno lucelo, mu Switzerland, imyanda ya bantu nabesa mukumona apo cacitikile, amenshi aya makumbi makumbi yalabilauka ukufuma panshi iya cilindi cikalamba ica menshi. Bena balacicita ico cila mwaka. Lyena lyashi lya kale, bena balanda ukutila Lesa alikene amenshi ayakuwamya ku maboko yakwe.

¹⁰⁰ Munyina, temulandu ne miku inga wabatishiwa, na conse ico iwe weshu ukucita, takuli nangu cimo icili nokuwamya amaboko yobe lelo kano u Mulopa wakwa Kristu. Lesa akene cena. Kabili na menshi aya makumbi makumbi, panuma iya myaka amakana yabili, mupepi, yena yacili yalabilauka. Lesa alikana ico. Ubulungami bobo pa lobe tekuti buwamye imembu shobe. Takuli nangu cimo lelo u Mulopa wakwa Yesu! Tontonkanya pali ico nomba. Ifwe twalapepa, pakashita fye akanono.

¹⁰¹ Ndesunguka nga cakutila Ine kuti naipushapo icintu cimo muno bushiku. Lintu Ena aciminina palya pacikulwa icabupingushi icakwa Pilato, muno lucelo, nokutila, “Nga cakutila u Bufumu Bwandi bwali bwa muli lino isonde, Ine nga nacilanda kuli Taata Wandu kabili palya penefye Ena nga acintumina Ine amatulwe ikumi na yabili aya ba Malaika.” Lintu, umo pali bena kuti aonaula isonde. “Nga nacilanda kuli Ena, kabili amatulwe yaba Malaika ikumi limo na babili nga bacisa palya pene pali Ine.” Ena nga acicita cena. Lelo Ena aciminina palya, umufuke kabili uwaicefya, ukusenda imfwa kabili ukusenda imembu shenu.

¹⁰² Bushe imwe kuti mwaba abatotela apakalamba pali lilya Ilambo muno bushiku, imwe mwebalekabila ico, kabili mwebalekabila amapalo yakwa Lesa, imininenikofye pa makasa yenu pali ili ipepo? Imininenikofye pa makasa yenu, imwe mwebalefwaya ukwibukishiwa muli ili ipepo, mutile, “Lesa, beni abaluse kuli ine. Ine ndi uwamulandu, Nalicita ifintu ifyalubana, kabili Ine nomba ndefwaya ukupokelela ubwelelo bwandi ukupitila muli Yesu Kristu.” Bushe kuti mwaisa pa makasa yenu pali ino nshitafye? Lesa apale iwe, namayo mwaiice. Uko ekushipikisha. Iwe twalililapo ukwiminina apo.

¹⁰³ Bushe iwe ulepilibula wacimya ukuboko, kabili nomba tauli uwacishinka uwalinga ukwiminina pa makasa yobe? Bushe busuma nshi ubo i Mbila nsuma yatala aicita kuli iwe? Oh, ukwangala kwaifyo ukwa chalichi, ukwangala na Lesa! Inshita naipwa, bumo muli ishi inshiku ibomba ilya mwela lili nokupuma ukushinguluka pano ku pa ncende imo, muli ifi

ifikalamba umwakusungila ifya bunga. Tapakabepo ne nshita iinono iyakutontonkanya pali ico. Inshita ikaba naipwa lilya, kabili limbi ilyo takulati kube Ipasaka ilikakonkapo, nangu lino Ipasaka. Bushe tekuti wiminineko nomba, nokutila, “mwe Lesa, beni abaluse kuli ine, ne mubembu. Ine nomba napokelela Kristu, ukupitila muli ena pa Lwakwe ukuipela icikonsolwelo ica membu shandi. Kabili ukupitila mukusenamina Kwakwe, kabili ukusenamina Kwakwe eka, Ine naikala mu Kubapo ukwakwa Lesa.” Bushe kuti walondolola ifilubo fyobe? Ena uyo uuli nokufisa imembu shakwe takatunguluke. Ena uyo uulondolola imembu shakwe, nakwata uluse. Cena cili kuli iwe. Ena alemona.

¹⁰⁴ Nomba, Shikulu wesu Uwapalwa, mumpendwa iyalinga muno bushiku kwaiminina imyeo iyacululuka, umwaume umo na banakashi babili.

¹⁰⁵ Nga fintu Ine ndetontonkanya, Shikulu, palwa Kalbale, ilyo lintu umo kulubali lumo, atile, “Shikulu, mukanjibukishe lintu Imwe mukesa mu Bufumu Bwenu”; na umbi umo atile, “Iwe nga kuti Waba, leka ifwe tumone icisungusho, tufunye pa capindama kabili ipusushe we Mwine weka.” Kabili na umbi atile, “mwe Lesa, beni abaluse kuli ine.” Kabili umutwe Wenu wapilibukile kulubali lwakulyo, nokutila, “Ileelo iwe uleba pamo na Ine mu paradise.” Lelo Imwe mwaiketele tondolo kuli ilya umbi, pantu tapali ukulapila.

¹⁰⁶ Kabili, mwe Taata Lesa, Ine napepa ifi limbi...Ine nacetekela ukutila bena ebalifye batatu mucikulwa, abo abaumfwa ukutila bena ebalekabila ukulanda imembu shabo. Lelo ukutila bena nabesa mu nshila iikalamba, inshila ya capindama. Beleleni bena, Shikulu, nokubapala. Bena na beminina pano muno bushiku; nga fintu Mwachibemininako bena, mucikulwa ica bupingushi icakwa Pilato; nga fintu Imwe mwachibemininako bena, pakati ka Myuulu ne sonde, kabili lintu akasuba kaciwa no mweshi tawacibalika, kabili ne cipembe camwi tempele cacilepuka ukufuma pamuulu ukufika pe samba. Napepa, mwe Lesa, ukuti Imwe mwalapala bena nokubapela bena pafya luse Lwenu, nokubawanya bena no Mulopa Wenu. Kabili babatisheni bena na Maka Yenu ayakushisha, ukuya mu Mubili uwa Mwana Wenu Wine, Kristu Yesu, nomba bena bali aba bakililwa ku nshita naku Muyayaya. Paleni na bambi abo abaleumfwa ukutila bena bali abalungama, ukutila bena kale balikumanya ici nokucita ifyo. Napepa ili palo kuli bena, mwi Shina lyakwa Kristu. Amen.

¹⁰⁷ Lesa amipale imwe. Kabili imwe mwebeminine mupepi nabo abeminine, palamineni mupepi na bena nokubaposha mu maboko yabo, aya muntu umo, nokutila, “Shikulu Akupale iwe,” ico nacilungama, ngo kuboko ukwe senge.

¹⁰⁸ Ifwe nomba twacelwako panono mukulongana kwesu. Nibanga abatemwa Shikulu Yesu, imyeniko amaboko yenu? Ndesunguka, mukuba tondolo nomba, nangu ukubafye mumutalalila ngefyo twingaba mukwibukisha Ena Uyo uusangwapo lyonse, Abo abali pano muno bushiku, nga cakutula ifwe kuti twaimba panono panono:

Cena cali nipacapindama apo Umupusushi
wandi afwile,
Palya pene mukuwamishiwa ukufuma
kulubembu Ine nalilile;
Palya ku mutima wandi... (Lintu iwe
wakumenye ifyalekabilwa, iwe wabikile
amaboko yobe pali Cena) Palya ku mutima
wandi epo u Mulopa wabikilwe;
Oh, ubukata kwi Shina Lyakwe!

Natwimbe panono nomba, ilyo ifwe twaontenka imitwe yesu
kuli Ena.

Palya pacapindama apo Umulubushi wandi
afwile,
Palya pene mukuwamishiwa ukufuma
kulubembu Nalilile;
Palya ku mutima wandi epo u Mulopa
wabikilwe;
Ubukata kwi Shina Lyakwe!
Ubukata kwi Shina Lyakwe! (Ishina
Ilyawama!)
Ubukata kwi Shina Lyakwe ilyawama!
Palya ku mutima wandi epo u Mulopa
wabikilwe;
Ubukata kwi Shina Lyakwe!

¹⁰⁹ Nomba mu mutalalila, ne mitwe yenu naikontama. Imwe
mwebapusuka, tileni:

Oh . . .

Imyeni amaboko yenu nomba.

Oh, mwe Kafukauka akasuma ako akapususha
ukufuma kulubembu!
Ndi uwansansa Naingila mukati;
Palya Yesu ampususha ine no kunsunga
uwasambwa;
Ubukata kwi Shina Lyakwe!
Ubukata kwi Shina Lyakwe ilyawama!
Ubukata kwi Shina Lyakwe ilyawama!
Palya ku mutima wandi epo u Mulopa
wabikilwe;
Ubukata kwi Shina Lyakwe!

¹¹⁰ Nomba na maboko yenu ayapona panshi, imitwe yenu naikontama. Ine nacistontankanya fye; umuntu umu acita inshita iinono iyapitapo, kabili acitila muntu umu alefwaya ukwibukishiwa muno bushiku mwi pepo, pa mubili wabo. Bena bafililwe ukubwela mukulongana pa Mulungu ubushiku, ku kulongana ukukalamba ukwa bundapishi. Bushe kuti waimininako pa makasa yobe, iwe weulefwaya ukwibukishiwa muli ili ipepo nomba line fye?

. . .ku mutima wandi u Mulopa wabikilwe;
Ubukata kwi Shina Lyakwe!

Ubukata ku . . .

¹¹¹ Nomba ne mitwe yenu iya kontama. “Ena alashilwe pa membu shenu, acenenwe pa mampulu yenu, ukukalipilwa ukwa mutende kwali pali Ena, na mufilaso Fyakwe emo imwe mwaundapilwe.”

Ubukata kwi Shina Lyakwe!

¹¹² Nomba, mwe Taata Wapalwa, ilyo twaicefya mukupalamina ku capindama nomba linefye, apo ukusenamina no luse fyasangile ine, kulya eko u Lutanda ulwa Buuta ulwa Lucelo lwatumine imyengelele Yaluko ukushinguluka ine. Aba abalwele nabeminina mu Kubapo Kwenu. Bena balecetekela nomba line, ukutula kucicetekelo, balelolesha pali cilya icikoti kunuma, kulya. “Kabili mufipumo Fyakwe emo ifwe twaundapilwa.” Taata mweba Mushilo Wacilapo, twaisa mukulanda icicetekelo cesu, ukucetekela ukutula Imwe mulondapa imibili yesu iyalwala, ukupitila mu myumfwile iikalamba iya kucula iyakwa Shikulu Yesu. Kabili twapela kuli aba bantu abeminine ipepo lyakucetekela, ilyo Imwe mwalaile lili nokupususha abalwele. Kabili ifwe, capamo, nge bumba ilya baikatana abacetekela Benu muno bushiku. Imwe mwatile, “Apoponse apo apali babili nangu batatu abalongene, Ine ndi nokuba pakati kabo.” Kabili twaipusha uluse pali bena, ukutula ukusenamina Kwenu kwingekata nomba ifiputulwa ifya mukati ifya myeo yabo, ukutula icintu cimo calaikatilila mulya mukati mukushika; ukutula bena balaishiba ukutula Kristu ali pano kabili nalanda kuli bena, ukutula, “We mwana Wandi, Ninsenda amalwele yobe ukuyatwala kulya ku Kalbale. Nomba posenifye yonse amasakamiko pali Ine, pantu Ine ndamisakamana imwe.” Kabili lekeni bondapwe, muli konse akanono ukupwililika, pantu twaipusha ico mwi Shina lyakwa Yesu. Amen.

¹¹³ Kabili lintu baikalako bena nomba, umu umuntu uupaleme kuli bena, abike amaboko pali bena, umuntu onse uwacilaba pepela bena. Baibele Yatila, “Bakabika amaboko yabo pabalwele; nabena bakondapwa.” Shikulu Apale.

¹¹⁴ Nga cikutila Ine nshilufyenye, bushe Nshilelolesha pa muntu ulya uwaundepwe pano inshiku ishinono ishakitapo, nangu Imilungu ibili ayapitapo, uyo ali ni cibulu nangu

icintu cimo mu matwi yakwe? Namona iwe ulesangalala mukulongana muno bushiku. Bushe uleng'umfwa ine nomba line? Ico naciwama. Icisuma nganshi! Imininako pa makasa yobe pakashita akanono fye. Nibanga abaleibukisha ena ukuba pano? Kabili aishile pita mu mulongo waba kupepelelwa, bamuletele nakucintamba, kabili na Shikulu ali mundepe ena kabili amupangile ukuba umutuntulu. Abe uwapalwa Shikulu! Natotela, munyina, pa bunte bobbe. Cena kuti caba limbi ukupitila mu bengi! Lelo bushe Ena taba umusuma?

¹¹⁵ Nomba, tulefwaya tukamone imwe mwaisa bwangu mailo ubushiku, mukwangufyanya. Kabili nomba pa Mulungu ulucelo, mukangufyanye. Pa mulungu icungulo, kabili imwe mukabwele kumulimo wa bundapishi pa Mulungu ubushiku. Mpaka nelyo tukakumana, lekeni twiminine nokwimba ulwimbo ulwakutusalanganya, *Bula I Shina Lyakwa Yesu Pamo Naiwe*.

Bule Shina lyakwa Yesu pamo naiwe,
We mwana wa bulanda kabili uwakalanda;
Lyena lilepela ukusangalala ne citalaliko . . .

Pilibukila ku kulyo nokuposhanya amaboko nomba pamo no muntu onse.

Lisende Lyena konse iwe uleya.

Ishina Ilisuma . . .

Pilibukila ku kulyo nokuposhanya amaboko.

. . . O ifyo lyawama!

Isubilo lya pe sonde kabili nokusangalala
kwamu Muulu;

Ishina Ilisuma, (Ishina Ilisuma!) O ifyo
lyawama! (Ifyo lyawama!)

Isubilo lya pe sonde kabili ukusangalala
kwamu Muulu.

Nomba lolesheni uku lubali.

Pe Shina lyakwa Yesu ukukontama,
Ukupona ubunkupeme pa makasa Yakwe,
Imfumu ya shamfumu mu Muulu ifwe
tukamufwika icilongwe Ena,
Lintu ulwendo lwesu lwapwa.

Ishina Ilisuma, O ifyo lyawama! (O ifyo
lyawama!)


Isubilo lya panshi kabili ukusangalala kwamu
Muulu;

Ishina Ilisuma, O ifyo lyawama! (Ifyo
lyawama!)

Isubilo lya panshi kabili ukusangalala kwamu
Muulu.

¹¹⁶ Nomba mwibukishe ba kemba bakwa Neville, baane abemba pamulabasa mulucelo, WLRP, pa naini koloko. Kabili

Munyina Stricker esa pa naini-fote-faifi, mulucelo pa Mulungu. Bacilapangafye tepu yakwe muno cungulo, pa kubuka.

¹¹⁷ Kabili nomba, mpaka ifwe tukakumane nakabili, amapalo yakwa Shikulu yabe pali imwe, ilyo tulekontamikako imitwe yesu. Kabili Nalaipusha cibusa wandi umusuma kabili munyina, Munyina Palmer, ukufuma ku Macon, Georgia, nga cakutula asalanganya ili ibumba mwi shiwi ilye pepo, ilyo tulepepa. Munyina Palmer. 

UKUPWILILIKA BEM57-0419
(The Perfection)

UKUPUPUTULWA KWA PEPASAKA UKWAKONKANA

Iyi Mbila na Munyina William Marrion Branham yaletelwe intendekelelo mu Cingeleshi pali Cisano Musuma mucungulo bushiku, muli Shinde pa 19, 1957, pa Branham Tabernacle mu Jeffersonville, Indiana, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org